



UNIVERSITÄTS-
BIBLIOTHEK
PADERBORN

Universitätsbibliothek Paderborn

Corpus Doctrinae Christianae

Melanchthon, Philipp

Lipsiae, 1572

VD16 M 2890

De Bonis Operibus.

urn:nbn:de:hbz:466:1-36094

hæc sententia facile intelligi & iudicari potest ab omnibus pijs
in veris exercitijs pœnitentiæ, & in quotidiana inuocatio-
ne profecto fieri non potest, nisi fides inueniatur mediatorem,
per quem exaudiamur. Ideoq; ad Ecclesiæ iudicium prouoco,
ut, ad pios, eruditos, & intelligentes exercitia pœnitentiæ & in-
carnationis.

DE BONIS OPERIBVS.

Obiæ exposita est doctrina de reconciliatione & de fide, ne-
cesse est addi doctrinam de bonis operibus, seu de noua obœdien-
tia. Plurimè igitur & clare dico: Obœdientia nostra, hoc est, iusticia
bonæ conscientie seu operum, quæ Deus nobis præcepit, necessario
sequitur reconciliationem debet. Christus enim clare præcepit de pœni-
tentiâ, & Paulus inquit: Debitorum sumus, ne secundum carnem vi-
uamus. 1. Corinth. 6. Ne errate, fornicatores, adulteri, idololatræ,
fures, &c. non possidebunt regnum Dei. 1. Iohan. 3. Nemo seducat
vos, qui facit iusticiam, iustus est, qui facit peccatum, ex Diabolo est:
Ad hoc apparuit Filius Dei, vt destruat opera Diaboli. Regeneramur
igitur in reconciliatione, vt noua obœdientia in nobis incoëtur. Sic
est ad Ephes. scriptum est: Ipsius opus sumus, conditi per Chri-
stum Iesum ad opera bona, quæ præparauit Deus, vt in eis ambule-
mus. Continet enim hæc sententia & doctrinam necessariam, & con-
solationem. Primum enim de necessitate concionatur, cum ait: Nos
autem conditos esse ad bona opera. Deinde consolatio est, quod in-
quit: Deum præparare in Ecclesia bona opera, vt in Samuele, Dau-
ide, Elia, Jeremia & similibus, admirabilia opera præparauit, per
quæ & vocat, & regit, & conseruat Ecclesiam. Et vt alibi dicitur:
Quæruis hoc Deus, quod operatus es in nobis: ita hic Paulus ait,
Præparata à Deo bona opera, id est, non solum mandari, ordinari &
regi, sed etiam adiuuari, & stabiliri. Etsi luctatur Ecclesia cum
magnis difficultatibus, vt ostendunt Jeremiæ, Pauli, & similibus af-
flictiones, tamen res magnas gerit, & salutare alijs, etiamsi mundus
magis ex parte eas non intelligit. Sed nos intelligere vocationem
deorum debemus, vt opera præparata à Deo faciamus.

Sunt autem de bonis operibus hæc quinque præcipuæ quæstio-
nes. 1. Quæ opera sint facienda. 2. Quomodo fieri possint.
3. Quomodo placeant. 4. Cur facienda sint. 5. Quod
sit discrimen peccatorum, cum necesse sit fateri, quod in hac vita ma-
gna peccata in Sanctis.